

آبونه شرائطی : هریر ایچون
سنه لکی (۴۰۰) آلتی آیلغی
(۲۲۵) ، ممالک اجنبیه ایچون
سنه لکی (۴۵۰) ، آلتی آیلغی
(۲۵۰) غروشدور .

نسخه سی ۷,۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محرر
محمد عاکف

صاحب و مدیر
اشرف ادیب

تبعون اهدکم سبیل الرشاد

تذکره

آدره من تبدیلنده آیریجه
• غروش کوندرلملیدر .

مکتوبلرک امضاری واضح
واوقوناقلی اولسی و آبونه
صره نومروسینی محتوی
بولونغسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولتور .

پاره کوندردلیکی زمان نهیه
داثر اولدینی بیلدیلمسی
رجا اولتور

برجوق سوزلر فیصلہ داندی، غالباً بولشہویکالر بونی بویوک بر موقیت، عدایتدیلر .

بونک اوزینہ بولشہویکالرک رسمی غزتہ لریدن (ایزوہ ستیا) غزتہ سی محرری تورکیہ حکومتی ممثلی علی فؤاد پاشا ایله بر ملاقات یادی . ایزوہ ستیا علی فؤاد پاشا اولان ملاقاتی شو صورتله نشر ایتدی :

« — بزه قارشى اولان نقطه نظر يکترى سويلر ميسکيز ؟
علی فؤاد پاشا : — بز سزه تاریخی بر دشمن نظريله باقارز . فقط بویوکون وقایع تاریخیه والجاى حادثات بزى برلشدیردی . یکدیگریزہ دوستانه معامله ده بولونمیه مجبور اولدق . تمنی ایدرزکه بو وسیله ایله یکدیگریزہ دائمی وصیمی دوست اولهلم ، عمومی دشمنلره قارشى بوصیمیتیزی محافظه ایدلم .

— قومونیزمه ناصل باقارسکیز ؟

علی فؤاد پاشا — قومونیزم سزک ایچون کوزل برمسلك سیاسیدر . غلوه کیتمزسه کز حق کیزده فائده لی اوله بیلیر . فقط بز مسلمانلر ایچون قومونیزم هیچ بر زمان شایان قبول اوله مازہ . زیرا بز قرآنمزهرشیدن مقدسدر . بز احتیاجات سیاسیہ واجتماعیه مزى قرآن متکفلدر . شو حالده بز ایچون باشقه بر یول ، باشقه برمسلك آرامیه حاجت یوقدر ... »

پاشا حضرتلرینک بویانانی روسیه ده عموم مسلمانلر اوزرنده غایت بویوک برتأثیر حصوله کتیردی . معلوم یاه کره ارضه کی عموم مسلمانلرک یکانه استناد کاهلری تورکیه حکومتی دره . بوسیله تورکیا حکومتی قومونیزم اساساتی اوزرینه قورولہ حق دینتجه مسلمانلر صوک درجه یأسنه دوشمشاردی . بوتون قلیلر اندیشه ایچنده قالمشدی . بویله بر زمانده علی فؤاد پاشانک بویانانی مسلمان کولکلرینی چوق سويندیردی .

قومونیزستلرک طوتمش اولدقلری یول ، (سیونیزم) ک وضع ایتدیکی اساسانه پک زیاده توافق ایتمکده در . سیونیستلر بازیل قونفره سسندہ اتخاذ ایتدکلری ۲۴ قرارک برنده دییورلردی که :

« منطقى ، منطقى سوزلرله انسانلرک باشلرینی قازیشدیرملى . بعضاً دینلى ، بعضاً دینسز ، بعضاً هیچ معناسز سوزلرله ذهنلرینی اشغال ایتلى . بوتون مطبوعاتى کندی ألمزه آلمق ایچون نه ایجاب ایدرسه یاعلى . بزه مخالفت ایدنلره سوز سويله یه جک میدان براقاملى . بو کون بولشہویکالرکده عینی قرارى تطبیق ایتمکده اولدقلری غایت آچیق کورولمکده در . نتیجه نک بزه قدر واره جغی ، بو حالده نه لر تولد ایدہ جکنى کرک روسلر ، کرک تاتارلرک متفکرین قسمی پک کوزل آکلامشلردر . یهودیلرده شیمدی روسیه ایله پیدرپی ترک ایتمکده درلر . هرکس مقصد اساسینک اعمار اولمایوب تخریب بلاد واحای عباد اولدیغنه کسب قناعت ایتمشلردر .

مخصوصدر . خرسیتیانلقدہ بویله دکلدر . نصرانیته الله ایله قول آراسنده کی مناسبانه دنیوی قوتلر مداخله ایدرلر . مسلمانلق بو خصوصده بویوک بر انقلاب یامیشدر .

صوکره مسلمانلقدہ دینک دنیوی واجتماعی برطاقم احکامی ، کذلک دنیوی بر امر اداره سی واردرکه بونلرله حکومتک علاقہ سی طبعیدر . بو احکامک قوم اجرائیه سی آنجق و آنجق حکومتدر . ایلری غزته سنک بو فکری طوغرودر . ایشته اونک ایچوندرکه برمسلمان حکومتی ایچون (لایبق — لادینی) بر شکل متصور دکلدر . بز بونی اوتدن بری سويلیورز . اقشام غزته سی ودها دیگر بمضلری ده (لایبق) لکدن بحث ایدیورلر . حتی ایلری غزته سی یله اوله دییوردی . لکن شمدی حقیقی قبول ایدیور . برمسلمان حکومتی ایچون لایبقلک اولامایه جغی اعتراف ایدیور .

دینک که بو خصوصده ایلری غزته سی ده اقشام غزته سنک فکرندن آیریش اولیور . الله ویره ده (ایلری) بو اجتہادنده ثبات ایدہ . شو مناسبته محررلریمزدن و متفکرلریمزدن پک جدی بر رجائوزار : بکلر ، افندیلر ، دوشونجه لرمنی ، امنیه لرمنی هب مخالف ، متیان جهتلره دکل ؟ متوافق ، متجاذب استقامتلره توجیه ایدلم . ماقی تشته دوشورمه یلم ؟ طوبایله لم . فردلرک ، صنفلرک پک مختلف حسلری وفکرلری اوله بیلیر . فقط قدرت ، بو مختلف حسیات وافکار آراسنده وحدت نقطه لرینی کشف ایدوب خلقی اووجهله تنویر و دانما قریب ایتمکدر . بر مملکتک اجزاسی آراسنده جاذبه نه قدر تقویه ایدیلرسه وحدت ملیه او قدر انکشاف ایدرو خارجه قارشى قوه دافعه سی ده اونستده تکامل ایلر . یوقسه عناصر تفرقه او قدر مبذولدرکه هر فردک اک جزئی حسیاتنه ، تشبیه تاج اولیورمسيله حصوله کله بیلیر . فقط وطن ایشی ، ملت ایشی اوله فدا کارلق ایجاب ایدرکه بو آیریمچی فرقلردن واز کچیلرک برلشدیریمچی نقطه لره اهمیت ویریلیدر .

قومونیزم و ادیان

۲

روسیه دن یکی کان سیاح شهر عبدالرشید افندی بدریمز آکلاتیور :

« بولشہویکار عمومیتله ادیان علمینده ، بالخاصه اسلامیه و مسلمانلره قارشى برجوق تداییر اتخاذ ایتدیلر . بر آرائق کندیلرینک تورکیه حکومتیه متحد اولدقلرینی ایلری سوردرک روسیه مسلمانلرینی اغفاله چالیشدیلر . کندی مساکلرینی آناطولینکده قبول ایتدیکی سويله یه رک افکاری تفلیط ایتک ایسته دیلر . غزته لرک بویولده کی نشریاتی برجوق قبل و قالی موجب اولدی . بعض سادہ دلار چوق مکدر اولدی . قولاقدن قولاغه

هیچ بر صورتی تأخیر اولونه ماز. بیلیمورز، بوزواللی منع مسکرات قانوننک قباحی نه در که بویه فلجه اوغرا تیلور؟ قانوننک ایزلیرسی وفاندیلیسی اولان بوتون ملنجه تمامی تطبیق شدتله آرزو ایدیلن بوقانونی حقیه تطبیق ایتک حکومت اسلامی من ایچون پک بویوک بر شرفدر .

موسی جارالله افندی نیک توقیفی

هلینکفورس امامی حکیم افندی طرفندن چکیلن برشایان تأسف تلغرافه کوره، روسیه مسلمانلری آره سنده بویوک بر شهرت صاحبی اولان واسلامیت حقنده شایان دقت نشریاتیه تعارف ایدن، لهنده، علیهنده بر جوق سوزلر سبیلین، بازیلر یازیلان مشهور موسی جارالله افندی نیک بولشه ویک (چه قا) انقلاب محکمه سی طرفندن توقیف اولوندینی آکلاشیلور؛ موسی جارالله افندی نیک اک صوک وظیفه سی پتروغراد امامی ایدی. کندیسینه برابر بر جوق مسلمانلر ده توقیف اولونمش. توقیفک سببی، «دینی، اجتماعی، سیاسی مسئله لر و تدبیرلر حقنده اسلام ملتیرینه، خطاباً یازیلان و اخیراً برلینده طبع ایدیلن برکتاندر. بو کتابک بر نسخه سی ده صوک بوسته ایله اداره خانه مزه کوندیرلشدر. کچ کلدیکی ایچون تدقیقه وقت اولمادی.

شانلی تورک عسکرینک شرقه تألیف قیلنن بو کتابده شایان دقت مطالعات و ملاحظات اولدینی آکلاشیلور. انشاءالله کله جک هفته بو خصوصده ده زیاده ایضاحات ویررز. بولشه ویکلرک شیمدی به قدر توقیف ایتدکلری، اولدور ذکلری علمانک حد و حسابی یوقدر. فقط موسی جارالله افندی اولنرله قابل قیاس دکلدر. مشارالیه ک توقیفی بوتون روسیه مسلمانلرینی شدتلی صورتده علاقه دار ایتمشدر. موسی جارالله افندی نیک توقیفندن بحث ایدن (یکی قافقاسیا) دییورکه: «شبهه یوقدر که اشبو اثرینی، هر ناصیل اولسه ده، طبع و نشر ایتدیرن موسی افندی یاقینی (چه قا) آله ویره چکنی بیلوردی. بویه ایکن زرد ایتهدن نشر ایلدیک ایزی ایله کندیسینی افکارینه فدا ایده جک بر رشادت مدنیه کوسترمشدر.

بو رشادتک جزاسی اوله رق موسی افندی، شیمدی پتروغراد (چه قا) سنک بودورومنده اوطورییور. تحمل ایده مدیکی اسارن هوا سی ایچنده مضطرب بولونان مغنویاتی، بوصورتله، برنوع اطمینان بولسه بینه، نحیف بولونان وجودی ایکنجی دفعه اوله رق اوغرا دینی بواشکنجه به تحمل ایده جکمی . . .

کوکل آرزو ایدردی که مطبوعاتک بو خصوصده ابراز ایلدیک علاقه دارلق ده ها مطرد بر شکل اکتساب ایله سین ده، موسقا جلا دلرینه احسان ایتدیر سین که روس قومونستلرندن باشقه دوشون تورک واسلام متفکرلرینی قولای قولای تشکیل ایتک اولماز .

شهراده باشی : اوقاف اسلامی مطبعه سی

قلعه ایچندن فتح اولنور، مثله امتثالاً روسلردن بعضلری قومونست فرقه سنه داخل اولمشلر سه ده. پک موفق اوله مایه جقلر کی کلیور. زیرا فساد اخلاق کوندن کونه مدهش صورتده تعمیم ایتکده در. وحشت کیتدکه آرتیور. بوتون نفوذ و قدرت (چه قا) لره، یعنی انقلاب محکمه لرینه ویریلشدر. (چه قا) لر لایسل عمایفیلدر. هرکس اورککده اولدینی حلاله بینه عکس العملدن قورقوبور. بوندن طولانی بالخاصه یهودیلر تدهش ایتکده درلر. زیرا بوتدهش اصولک عکس العمل ایلک دفعه یهودیلری سوپوره جکدر. بوتون دنیانک مقدراتیه، اقتصادی، سیاسی و اجتماعی مقدراتیه اوینایان یهودیلری شمدی مدهش بر قورقوالمشدر. بوتون اوروپایی قاریشدران یهودیلر ده اوروپاده کی وروسیه ده کی بوتون انقلابلرک آرقه سنده یهودیلر واردر. خرستیانلر آره سنده سیاسی و اجتماعی تفرقلر چیقارتمق صورتیه خرستیانلقدن انتقام آلمقده درلر. سیونیستلر پاره لر یله، تشکیلاتلریله، انزریقه لر یله اورته لنی قاریشدیروب طور یورلر. بوکون اوروپا دولتلری یهودیلرک بوتربیانته تمامیه واقف اولمشلدر. اونک ایچون هر طرفده یهودی علیه حرکت باشلامشدر. بالخاصه روسیه ده رأس کارده بولونانلر آره سنده یهودیلرک ده اولسی روسلری غیظ وحدت ایچنده مضطرب ایتکده در. گونک برنده بو انفعال همومینک باطلاق ویرمسی محتملدر. محتمل دکل، محققدر. بونی سزمه یهودیلر شیمدی فوج فوج روسیه یی ترک ایتکده درلر.

مسکراتله مجادله ایدن بر خرستیان ملتی

بو هفته کان خبرله کوره برانکلز یلکن کیسی آمریکا ساحلرینه قاجاق صورتیه ۱۵۰ صندیق ویسکی ادخال ایتک ایسته مش؛ فقط آمریقایلر طرفندن کمی طوب آتشیله قارشیلانهرق توقیف و ایچنده کی مسکرات ضبط و مصادره ایدلشدر. دیگر برانکلز کیسنک کتیردیکی ۴۵۰۰ دولار قیمتده ۱۸،۰۰۰ شیشه بیرایی قاجاقیلر آمریقایه ادخاله موفق اولمشلر سه ده آمریکا ضابطه سی، بیرالری یا قالامش، آمریکا مسکرات قانوننه توفیقاً بر جوقورک ایچینه شدتله آنوب شیشه لری پارچه لامق صورتیه بیرالری احیا ایله مشدر.

ایسته یاشامق ایسته یین ملنر منع مسکرات قانونی بوصورتله تطبیق ایدرلر. ایچکی به قارشو بوشدنی کوسترمکله آمریکا مدتی بر دولت عدادندن چیقما یور. لکن بزده کی مسکراتچیلر بونی کورمیورلر، کرمک ایسته میورلر. بر سر خوشک بر قاج دکنک بمسنی اعظام ایدرک وحشتدن، قرون وسطائی ذهنیتندن بحث ایتکدن هیچ صیقلمازلر. باقکنز آمریقایه، مسکرات قاجاقچیلرینه دکنک ایله دکل، طوبلرله هجوم ایدیور. مسکرات قانونی الآن استانبولده تمامیه تطبیق ایدیله یور. مهرله ن ایچکیلرک خارجه چیقارلمسی، یاخود یره دوکولسی قانوناً ایجاب ایتدیک حلاله غزته لر درت آی دهامدت ویریلدیکنی یازیورلر. بونا صیل اوله بیلیر؟ بر قانونک اجرای احکامی، دیگر بر قانون اولماجه،